



# COMUNU DE CERÀXIUS

Tzitadi Metropolitana de Casteddu

Originali

**DETERMINATZIONI N. 94 de su 27/01/2021**

**ÀREA 1 - SÒTZIU-ASSISTENTZIALI - AM. RISORSAS UMANAS E  
CONTABILIDADI DE SU PERSONALI - CULTURA- SPORT-  
TURISMU**

**Aministrativu Assistèntzia Sotziali**

**Ogetu :** Medidas apretadas de solidariedadi alimentari ex art. 2, D.L. 23 de donniasanti 2020, n. 154 alliongiadas cun s'emergèntzia epidemiològica de Covid-19.  
Aprovatzioni elencus de cussus chi ndi tenint deretu e de cussus bogaus a is bonus spesa po comporai cos'e papai – bandu 2



# COMUNU DE CERÀXIUS

Provìntzia de Casteddu

## ÀREA 1 - SÒTZIU-ASSISTENTZIALI - AM. RISORSAS UMANAS E CONTABILIDADI DE SU PERSONALI - CULTURA- SPORT- TURISMU Aministrativu Assistèntzia Sotziali

**OGETU :** MEDIDAS APRETADAS DE SOLIDARIEDADI ALIMENTARI EX ART. 2, D.L. 23 DE DONNIASANTI 2020, N. 154 ALLIONGIADAS CUN S'EMERGÈNTZIA EPIDEMIOLOGICA DE COVID-19.  
APROVAZIONI ELENCO DE CUSSUS CHI TENINT DERETU E DE CUSSUS BOGAUS A IS BONUS SPESA PO COMPORAI COS'E PAPAÌ – BANDU 2

### SU DIRETORI DE S'ÀREA 1

**Biu** su provedimentu prot. n. 25273 de su 30/06/2020 cun su cali su Sìndigu at cunfrimau a sa sutascrita s'incàrrigu de responsàbili de sa posidura organizzadora chi pertocat a s'Àrea Sòtziu-Assistentziali – Aministratzioni Risorsas Umanas e Contabilidadi de su Personali – Cultura – Sport e Turismu;

**Biu** su D.L. 23 de donniasanti 2020, n. 154 “Medidas finantziàrias apretadas alliongiadas cun s'emergèntzia epidemiològica de COVID 19” e in manera particolari s'art. 2 “Medidas apretadas de solidariedadi alimentari” chi cumandat cussu chi sighit:

1. Cun sa tarea de permiti a is Comunas s'impreu de medidas apretadas de solidariedadi alimentari, benit apariciu in su stadiu de prevididura de su Ministeru de s'Internu unu fondu de 400 milionis de èurus in su 2020 , de donai a dònna comunu, aintru de 7 diis de sa dìi chi intrat in vigori custu decretu, castiendi is Alliongius 1 e 2 de s'ordinàntzia de su Cabu de su Dipartimentu de sa protetzioni tzivili n. 658 de su 29 de martzu 2020.
2. Po sa cumpridura de custu artìculu is Comunas impreant sa disciplina numenada in s'ordinàntzia n. 658 de su 2020.
3. Is mudàntzas de balanzu chi pertocant a s'impreu de is risorsas stramudiadas de su Balanzu de su Stadiu alliongiadas a s'emergèntzia Covid-2019 podint èssiri deliberadas de is entis localis finsas a su 31 de mes'e idas 2020 cun delibera de sa Giunta”;

**Pigau àutu** chi s'ordinàntzia de su Cabu de su Dipartimentu de sa protetzioni tzivili n. 658 de su 29 de martzu 2020 previdit chi po sa cumpridura de is medidas apretadas de

solidariedadi alimentari su Comunu est autorizau a sa cumpridura, in dèroga a su decretu legisladori 18 de abrili 2016, n. 50 de:

- a. bonus spesa chi si podint impreai po comporai cos'e papai anca is butegas chi ddoi funt aintru de s'elencu publicau de dònna Comunu in su giassu istitutzionali cosa sua;
- b. cos'e papai o prodùssius de primu abisòngiu;

**Cunsiderau** chi custa Aministratzioni Comunali at scioberau de sighiri ainnantis cun sa cumpridura de s'interbènnida de solidariedadi alimentari in ogetu, coidendi aici de is apretus de primu abisòngiu amostaus de sa tzitadinàntzia, atruessu de sa spratzidura de Bonus Spesa de entregai a cussus chi ndi tenint deretu atruessu de s'acreditamentu de s'agiudu econòmicu deretu in sa tèssera sanitària de su pedidori;

**Bia** sa deliberatzioni de sa Giunta Comunali n. 226 de su 15/12/2020 cun ogetu "Mudàntzia 19 a su Balanzu de Prevididura 2020-2021 po Medidas apretadas de solidariedadi alimentari" cun sa cali ant apariciu is mudàntzias arrechèdias in su balanzu in sa medida de € 184.293,32 finantiada po sa crobetura de is interbènnidas de solidariedadi alimentari;

**Averiguau** chi, cunforma a s'art. 2, comma 6, de s'Ordinàntzia numenada innoi asuba, tocat a s'ufitziu Servitzius Sotzialis de dònna Comunu agatai totu sa genti beneficiària e s'agiudu imbordigau po is famillias prus adannadas de is strobus econòmicus ocasionaus des'emergèntzia epidemiològica de imoi e cussas chi funt in stadu de abisòngiu, de manera chi si potzat cuntentai a is apretus prus mannus e de fundòriu cun prioridadi po cussus chi no ant arriciu medidas de apoderamentu pùblicu;

**Arregordada** sa determinatzioni n. 1559 de su 29/12/2020 chi at aprovau s'elencu de cussus chi tenint su deretu de arriciri is bonus spesa po sa còmpora de papòngiu furmau de n. 296 beneficiàrius po unu tanti intreu de € 57.775,00;

**Abetau** chi is dimandas lòmpias in is trèminis no ant acabau totus is addonus distinaus a s'interbènnida chistionada innoi e chi intzaras, cun sa tarea de permiti a is famillias chi tenint is requisitus pedius in s'avisu de gosai de sa medida de solidariedadi alimentari, s'est sighiu ainnantis, cun determinatzioni n. 1529 de su 23/12/2020, a donai su cumintzu a unu bandu nou, ponendi su trèmini de presentatzioni de is dimandas a sa dii 11 de gennàrgiu 2021;

**Pompiau a menti** chi po donai is bonus spesa s'est scioberau de donai prioridadi a is famillias chi tenint totus custus requisitus:

- po imoi, po crupa de s'emergèntzia, chene de arrendas de traballu o disimpreaus o chene traballu,
- chi no funt titularis de pensioni, arrendas esentis de IRPEF (es.: imbalidadi tzivili, assegnu de acumpangiamentu, arrenda INAIL, pensioni sotziali, ecc.)
- no assegnatàrius de agiudu pùblicu (Arrendu de Tzitadinàntzia, Naspi, Indennidadi de mobilitadi, Càscia integratzioni godàngius, atras maneras de apoderamentu previdias a livellu locali o regionali) o arricidoris de assegnu cun medida arrèscia;
- no arricidoris de calisiat intradas de asienda privadas (chi benint de allogus de imòbilis, de imbistimentus mobiliaris de asienda, etc.);

- chi ant ocupau una domu cun cuntratu regulari de allogu o una domu de propiedadi aundi funt paghendi su mùtuo;
- chi no tenint unu contu currenti (bancàriu, postali, cartas prepagadas, ecc.) cun aintru unu saldu prus mannu de € 800,00 e chi no apant pigau in is dèxi diis a innantis de sa pedidura de su bonus spesa dinai po prus de € 800,00.

**Donau àutu** chi, po dònna nùcleu famillari interessau, su tanti de su bonus spesa de entregai a cussus chi ndi tenint deretu, est medida apitzus de su nùmeru de is componentis de su nùcleu famillari, sighendi custus tantis:

- € 150,00 a su pedidori
- € 25,00 po dònna atru componenti

e de dònna manera no podit èssiri prus mannu de € 300,00 po dònna pedidori. Casumai, apustis de s'entrega a is nùcleus famillaris chi tenint prioridadi (tenendi totus is ses requisitus), depessint sobrai risorsas, ant a podi gosai de custas is nùcleus famillaris chi ndi tenint a su mancu cincu, e sighendi aici finsas a acabai totu su dinai a disposidura,

**Abetau** chi su Comunu ativit s'interbènnida de solidariedadi alimentari atruessu de s'acreditamentu de s'agiudu econòmicu deretu in sa tèssera sanitària de is beneficiàrius;

**Bia** sa deliberatzioni G.C. n. 18 de su 31/01/2020 de aprovaZIONI de su Pianu Triennali po sa Prebènnida de su Corrupimentu e po sa Trasparenzia po su tempus 2020/2022;

**Donau àutu** chi funt stètias cumprias medidas de prebènnida previdias po cussu chi pertocat a su caminu imbordigau de s'àrea 04 agatadas in su Pianu Triennali po sa Prebènnida de su Corrupimentu e po sa Trasparenzia aprovau cun sa delibera G.C. numenadas ainnantis n. 18/2020;

**Donau àutu**, in prus, cunforma a su Pianu anticorruptimentu comunali vigenti:

- chi su Responsàbili de su Procedimentu e de su provedimentu finali est M. Laura Giancaspro;
- chi no ddoi funt cunflitus de interessu possìbilis e nimancu arresonis de incompatibilidadi bia a su beneficiàriu de sa medida in ogetu;

## DETÈRMINAT

Po is arresonis amostadas in sa premissa:

**De aprovai**, po sa cumpridura de sa medida de solidariedadi alimentari ex art. 2, D.L. 23 de donniasanti 2020, n. 154 alliongiada a s'emergèntzia epidemiològica de Covid-19, is elencus amostaus innoi asuta alliongiaus a custa determinatzioni po ndi fai parti integranti e de fundòriu, cuntènniusis nòminis de cussus amìtius e de cussus bogaus po is bonus spesa po sa còmpora de is cosas de papai atruessu de s'arricida de s'agiudu econòmicu deretu in sa tèssera sanitària de su pedidori:

- All. A) chi amostat is nòminis de cussus chi ndi tenint deretu ponendi-ddus po prioridadi cunforma a is recuisitus pedius in custu avisu;
- All. B) chi amostat is nòminis de is pedidoris bogaus aforas po is arresonis amostadas ingunis a canta de donniunu;

**De no publicai** is elencus All. A) e All. B) alliongiaus a custa determinatzioni, po amparai is datus personalis e sensibilis, cunforma a su D.Lgs. n. 196 de su 30/06/2003 e ss.mm.ii.;

**De assicurai** chi custu àutu est postu asuta de is cumandus de publicatzioni cunforma a s'art. 26 de su D. Lgs. 33 de su 14/03/2013 (*Amministrazione Trasparente*).

**Su Diretori d'Àrea 1**  
**Dotoressa M.Laura Giancaspro**

Custu àutu, apariciu de manera digital e firmu cun firma digital de su Diretori de Àrea cumpetenti, at a èssiri postu pùblicu cunforma a s'art. 4 comma 1 de su Regulamentu po s'apariciadura e is maneras de gestioni de s'Albu Pretòriu Virtuali

**Àutu in Originali**